

ՏԽՈՒՐ ՄՏՈՐՈՒՄՆԵՐ
ՊԲՀ-Ի 2-ՐԴ ՀԱՄԱՐԻ ՇՈՒՐՁ

«Պատմա-բանասիրական հանդես»-ի 2005 թ. №2-ի «Ղազար Փարպեցու երկերի արևելահայերեն վերջին թարգմանության հանգամանքները» հոդվածի վերջում տողատակին տրված ծանոթագրությունն անհիմն ու վրդովեցուցիչ է, այսպես. «ՊԲՀ-ի խմբագրության կողմից. Ցավով պիտի ընդգծել, որ մասնագիտական քննարկում, խմբագրում և գրախոսում չունենալու պատճառով անկարելի սխալներով են հրատարակվել նաև Հովհան Մամիկոնյանի, Ասողիկի, Վարդան Արևելցու պատմագրությունների աշխարհաբար թարգմանությունները» (էջ 181): Սույն ծանոթագրությունն ապացուցում է, որ հանդեսի խմբագրությունը ի դեմս խմբագրի պաշտոնակատարի (Պ. Մուրադյան) նույնիսկ չի բացել Վարդան Արևելցու «Տիեզերական պատմության» մեր թարգմանությունը (Երևանի պետհամալսարանի հրատ., 2003), որի հետևանքով հանգել է նման «լուրջ» եզրակացության: Սույն գիրքը խմբագրել է մերօրյա լավագույն գրաբարագետներից մեկը՝ բանասիրական գիտությունների դոկտոր, պրոֆեսոր Ռ. Ս. Ղազարյանը: Ես պահանջում եմ, որ խմբագրությունը նման դեկլարատիվ հայտարարությամբ ոչ թե վարկաբեկի հեղինակին, այլ բարի լինի և փաստերով ցույց տա Վարդան Արևելցու թարգմանության մեջ տեղ գտած «անկարելի սխալները», որի համար ես երախտապարտ կլինեմ:

«Պատմա-բանասիրական հանդես»-ը թե՛ իր բովանդակությամբ, թե՛ իր գիտական մակարդակով միշտ էլ եղել է հայագետների սիրելի պարբերականներից մեկը: Ցավոք, 2005 թ. №2-ի մասին նույնը չի կարելի ասել: Անդրադառնանք մի քանի էական հարցերի: Նախ, անհասկանալի է ինչ նպատակ է հետապնդում հրատարակել Ղ. Փարպեցու պատմության թարգմանության մասին վերոհիշյալ «գրախոսությունը», երբ ուսումնասիրությունը լույս է տեսել... 1982 թ.: [Ի դեպ, եթե խմբագրի պաշտոնակատարն այդքան «սկզբունքային», «հետևողական», «ամենատես ու ամենագետ է», ապա ինչո՞ւ է «աչքաթող» արել և անպատասխան թողել ՊԲՀ-ի նախորդ համարում (№1-ում) հրատարակված ՀՀ ԳԱԱ ակադեմիկոս Հրաչ Բարթիկյանի հոդվածում իր գիտական «պրպտումների» մասին անդրադարձները և դրանց տված գիպուկ որակումը, և, ընդհանրապես, ինչո՞ւ է խուսափում իր գործունեությունը տարիներ շարունակ տրվող գնահատականներին գրավոր պատասխանելուց]: Եվ, ապա, կարծում ենք, ժամանակավրեպ է նաև հայոց գրերի գյուտի 1600-ամյակին նվիրված մի քանի հոդվածների հրատարակությունը, որոնցում չես հանդիպի գոնե մի տեղեկության, որն այսօր նորություն լինի (տե՛ս, օրինակ, Ե. Տեր-Մինասյանի, Ն. Մառի, Լ. Սադոյանի հոդվածները): Տեղին չէ նաև հանդեսի սուղ

ԼՂերում գրախոսությունների բաժնին հատկացված շաբաթականը՝ շուրջ 50 էջ (էջ 290–339), որոնցում միայն գովասանքներ ես կարդում...

Երբ թերթում ես հանդեսի խնդրո առարկա համարը, ակնհայտ երևում է խմբագրի պաշտոնակատարի սուբյեկտիվ մոտեցումը հոգվածների և հոգվածագիրների ընտրության հարցում: Աչքի են զարնում նրա տեղի-անտեղի իրեն ներկայացնելու, այլոց հոգվածներում իր աշխատանքները հղելու մարմաջը և, ասպա տխուր հետևություններ հանդեսի վրացամետ ուղղվածությունը: Վերջին մտքի առնչությամբ թեկուզև նշենք հետևյալը՝ այսպես, ինչ կարիք կար հանդեսի 4-րդ էջում բերելու Ա. Շանիձեի խոսքը, որը բնավ էլ հայանպաստ չէ: Կորյունը վկայում է, որ Մ. Մաշտոցը զրեր է սանդղել նաև հարևան վրացիների (նաև աղվանների) համար, իսկ Շանիձին 1962 թ. գրում է. «...Չճշգրտված հարցերը թող հետազոտեն գիտնականները: Սա ամենևին էլ խանգարում մեզ, որ ուրախությամբ միասնաբ հայերի ազգային տոնին և ջերմորեն շնորհավորենք... հայերը, վրացիների սկսա, ունեն իմաստություն կազմված այբուբեն, որով ստեղծված է ազգային հարուստ դպրություն...»:

Արդևն իսկ ասվածը խոսում է այն մասին, որ ՊԲՀ-ի 2005 թ. №2-ի բովանդակությունը լուրջ և տխուր մոտրումների տեղիք է տալիս:

ԳԵՎՈՐԳ ԹՈՍՈՒՆՅԱՆ

Հայագիտության անխոնջ մշակ, բանասիրական գիտությունների դոկտոր Գևորգ Թոսունյանի խմբագրությանը հասցեագրած նամակում արծարծված հարցերն ընդունելի և տեղին են: «Տխուր մոտրումների» այդ շարքը կարելի է կրկնապատկել ու եռապատկել: Առավել ևս, որ ՊԲՀ-ի խմբագրի պաշտոնակատար պրոֆեսորի 5-ամսյա «բուռն» գործունեությունը խմբագրությանը, նրա հեղինակային կազմին և հայագետներին հասցրեց թե՛ բարոյական և թե՛ ֆինանսական զգալի կորուստներ (վերջինիս կապակցությամբ պարզաբանենք. հանգեսը տպագրվում է Գալուստ Գյուլբենկյան հիմնադրամի միջոցներով, և այսօր, փաստորեն, այս անձի ծախված գործունեության հետևանքով կանգնած է այդ հովանավորությունից զրկվելու իրական վտանգի առջև): Եվ քանի որ «թյուրիմացաբար» ՊԲՀ-ի խմբագրի պաշտոնը «ժամանակավոր» գրաված և այն հարկադրաբար թողած ամենա-ամենագետն այլևս անցյալ է, հիշենք ու հիշեցնենք. հանրությունը վաղուց է հայտնի այլոց վարկաբեկոգ, գիտության «նվիրյալներին», ծախու գրչակների և գործիչների անփառունակ վախճանը...

ԱՆ. Զ.